

– Հայ-բողոքականները միայն գիտեն իրանց հասարակութեան անուսուկ խօսել եւ ամէն դէպքում կրկնել. «մենք սուտ խօսելու սովորութիւն չունենք», թէւ ամէնից շատ սուտ խօսողները իրանք են:

Եւ իրաւ, նա հայ-բողոքական էր:

Իր այրական հասակում նա թողել էր լուսաւորչական եկեղեցին եւ ընդունել բողոքականութիւն: Նրա Երուսաղէմի ուխտագնացութիւնը կատարուել էր այն ժամանակ, երբ ինքը դեռ հաւատում էր սուրբերի բարեխօսութեանը: Իսկ այժմ հաջի Իսաղը շատ անգամ մի առանձին զոջումով ասելու սովորութիւն ուներ, որ եթէ հնար լիներ, մեծ ուրախութեամբ իր բազուկների կաշին կը պոկեր, որ այն աւելորդապաշտութեան նշանները չմնային նրա մարմնի վրայ:

Այնօր մենք պետք է թողնէինք Բաղէշը, այդ պատճառով մեզանից իւրաքանչիւրը շտապում էր իր գործերը վերջացնել: Մենեակի դուռը կողպեցինք, երեքս էլ դուրս եկանք: Ասլանը Չալլադի հետ գնացին մի քանի այցելութիւններ անելու, իսկ ես գնացի շուկայ՝ մի քանի իրեղէններ գնելու:

Քաղաքի գեղեցկութիւնը ինձ մոռանալ տոեց հաջի Իսաղի թողած անախորժ տպաւորութիւնը: Հագիւ թէ կարելի է գտնել մի քաղաք, որ Բաղէշի նման ինքնուրոյն ձեւ ունենայ, եւ հագիւ թէ մի որեւէ այլ տեղ բնութիւնը ստեղծագործել է այնպիսի դիրքեր, որ քաղաքին տոել են այն ինքնուրոյն ձեւը:

Պատմական Սալն-ձորը իր բարձր, ալիքաւոր լեռներով ու բլուրներով սեղմել է իր գրկի մէջ այդ քարեղէն քաղաքը: Ասում են քարեղէն, որովհետեւ բոլոր տները, թէ հարուստի, թէ աղքատի, շինած են մաքուր, հարթ տաշած, թխագոյն քարից: Երեք գետեր, զանազան կողմերից գալով եւ քաղաքի մօտակայքում միանալով, անցնում են ձորի անդնդային խորութեան միջով եւ իրանց ահեղ ձայնով թնդեցնում են տիրող լռութիւնը: Սկսեալ ձորի յատակից, սկսեալ գետի աջ եւ ձախ ափերից, շրջակայ լեռները սանդղտաձեւ թումբերով (տերրասներով) աստիճանաբար վեր են բարձրանում: Այդ թումբերի վրայ շինած են տներ, այդ թումբերի վրայ տնկած են եւ տները շրջապատող պարտեզները: Երբ ցածից դէպի վեր ես նայում, քեզ թւում է, թէ տեսնում ես Շամիրամի օդային պալատները իր կախաղանաւոր պարտեզներով:

Լեռների կուրծքի վրայ, սկսեալ ամենաբարձր կետերից, վազում են բազմաթիւ աղբիւրները, յստակ, իբրեւ բիւրեղ: Նրանց վտակները անցնում են բարձրադիր պարտեզների միջով, անցնում են տների կտուրների վրայով